

顏魯公文集

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

DEC 3 1955

一





顏魯公文集序

節義文章於太虛中。同穴發而出。昔人獨比節義於天之日星。夫其烜者熠者。燿燦而芒寒者。獨非文耶。而柰何。僅比節義。蓋自文士無行世。皆目操鉛握管之。

夫以爲是皆糠粃塵垢何當實
用於是乎歧而二之不知顧其
所爲文何如身文從心流從氣
運從聖賢真學術出則文章亦
節義也歧之而二焉者救世務
華之文章非太始本來之文章

也子曰篤信好學守死善道又
曰文之以禮樂見危授命抑亦
可以爲成人矣夫善道也而先
之以好學危而致命節亦偉矣
要其全必曰文之則聖人之所
爲文章節義者蓋可見矣孔氏

之門達者七十有二而顏氏居
其八回以好學爲郡第冠其後
道術家法日以流衍代有顯人
及至魯公從齟齬受母訓毅然
溯淵源之所自績學宏詞六通
四辟平生一言一行靡非先正

之禮樂此其致深矣唐政弗綱
胡孽突起公首倡大義扼其吭
而摧其鋒遠乎彝相謫使疆外藩
脅降公誓指河山挺然不屈竟
殞賊手具是危而授命者與守
死而善道者與自冰明義理之

歸權死生之際真知輕重大丈
夫者惡能從容就義而處之若
遺耶則公之節義固得之聖門
之好學而善以禮樂爲用者也
公之節婦人孺子皆知之至具
文則世所傳者什一而未睹具

大全余觀察琅琊公之二十五
世孫博士君胤祚與余善因出
公集而示余焉正襟而讀之則
所謂從心流從氣運從聖賢真
學術而出者也志存國紀身任
綱常時見於著作至論百官

論事一疏爭坐位一書贈裴將
軍一詩令人頭髮上指凜凜正
氣鎬正氣秋霜烈日比節可也丈夫
丈夫之生蘄爲天地完正氣激
而不節義立正氣節義者士之窮也
國之否也文章則無窮無遠流

動雄騁苞符品彙經緯古今者
也故曰能委蛇之謂文委蛇者
非偷生鼠竄之謂也委曲匡扶
周旋鎮靜不得已至於可以死
則死如公之謂也世之人謂公
之文章以節義掩者固不知公

之文章謂公之文章以節義著
者亦未知公之節義也善夫史
臣之贊曰清臣富於學守其正
全其節是文之傑也夫常山蔡
州等烈身一次爲武之華一次
爲文之傑然則在天爲日星者

獨節豈已乎公集刻自平原中
多訛舛博士君將再梓於家塾
值余行役闕里而次校讎言爲請
不佞三遜顏君三捐夫建天下
之鳴鐘而撞之次挺豈能發其
聲乎哉高山仰止景行止效一

六
從於公集次託不朽則不倚之
志也遂躬校讐而叙其梗概如
此
萬曆二十四年歲次丙申六月
吉日
賜進士第奉政大夫山東提刑

按察司僉事奉

勅整飭沂州等處兵備兼屯田
馬政前巡按直隸監察御史閩
漳戴燦撰



魯公文集目錄

卷之一

奏議

奏復七聖謚號狀

奏元皇帝祧遷狀

上百官論事疏

遷獻懿二祖及禘祫議

廟享議

朝會右故去樂議

卷之二

表 附批答

皇帝即位賀上皇表

乞御書天下放生池碑額表

讓憲部尚書表

謝兼御史大夫表

謝馮翊太守表

謝蒲州刺史表

謝浙西節度使表

謝戶部侍郎表

謝吏部侍郎表

卷之三

碑一

謝荆南節度使表

謝贈官表

放生池碑

妙喜寺碑

宋閣府碑

李臨淮碑

卷之四

碑二

郭祕書碑

臧尚書碑

臧氏紉宗碑

元次山墓碑

卷之五

碑三

康金吾碑

李司空碑

鮮于少保碑

卷之六

碑四

郭公廟碑

康使君碑

歐陽領軍碑

卷之七

碑五

贈梁州都督徐君碑

東川節度使杜公碑

卷之八

碑六

魏夫人儒壇碑

華姑儒壇碑

玄真子碑

玄靖李先生碑

卷之九

墓碣

麗正殿學士殷君碣

墓誌

東川節度使杜公誌

祭文

祭伯父豪州刺史文

祭姪季明文

卷之十

題名

華嶽廟題名

東林寺題名

西林寺題名

靖居寺題名

湖州碑陰題名

項王碑陰題名

題蔡州驛舍壁

讚

李侍御寫讚

卷之十一

序

孫遜文公集序

懷素上人草書歌序

送劉大冲序

送辛子序

于祿字書序

卷之十二

記一

東方先生畫像記

鮮于氏離堆記

律藏院戒壇記

麻姑山仙壇記

柳惲西亭記

沉氏述祖德記

乞御書題額恩勅批答記

卷之十三

記二

八關齋會報德記

崔孝公陋室銘記

翻經臺記

張長史十二意筆法記

卷之十四

詩五言十六首

贈裴將軍

題杼山三賢亭

謝陸處士折青桂花見寄

登平望橋

登峴山觀李左相石罇聯句

水堂送諸文士戲贈潘丞聯句

送耿湔拾遺聯句

月夜啜茶聯句

夜宴詠燈聯句

送李侍御聯句

初月重送李侍御聯句

重送橫飛聯句

夜集聯句

過瑤臺寺有懷園寂上人 并序

贈僧皎然

刻清遠道士詩感而有作

詩 七言七首

與皇甫侍御翫月聯句

大言聯句

小言聯句

樂語聯句

噀語聯句

滑語聯句

醉語聯句

詩 三言三首

擬五雜組

重擬五雜組

喜皇甫侍御見過南樓翫月聯句

卷之十五

書帖

與李太保書一

與李太保書二

與盧倉曹書

與蔡明遠書

與夫人書

與郭僕射書

與李太保書一

與李太保書二

與李太保書三

與李太保書四

與澄師書

與御史書

與緒汝書

送廣平碑書

送文殊師利菩薩碑書

寒食帖

脩書帖

中復帖

訊後帖

移蔡帖

魯公文集卷之一

二十五世孫胤祚重刊

奏議

奏復七聖謚號狀

謹按禮記曰先王謚以尊名節以一惠故行出於已而
名生於人使夫善者勸而惡者懼也而虞夏之質殷周
之文至矣而禹湯文武之君咸以一字爲謚言文則不
稱武言武則不稱文豈聖德所不優乎蓋羣臣稱其至
者是次子不得議父臣不得議君天子崩則臣下制謚
於南郊明受之於天也諸侯薨則太子赴告於天子明

受之於君也至於周室尊大朴散謚始以兩字爲重人或以虛美爲榮漢承戰國餘烈參而用之君臣易名事歸至當少不以爲貶多不以爲褒雖美衆所歸可一言而盡矣魏晉以降蓋不足徵聖唐欽明憲章周漢爰初創業順考古道高祖謚太武用漢制太宗謚曰文行周道也名正理順垂之無窮上元中政在宮壺亂名改作始建神堯文武大聖之號蓋非高宗之所獲已泉玄宗之末奸臣竊柄析言而亂舊法輕義以改鴻名遂廣累聖之謚有加之十一字者皇帝則悉有大聖之號皇后則皆有順聖之名使言之者惑於今行之者異於古非

舊制也其後劍門下罪已之詔叙高祖以下累聖悉用舊謚則玄宗悔旣往之失亦已明矣寶應中二聖山陵有司請謚事不師古變而行權去古質而尚浮華捨舊名而廣新謚謂一名不足以節惠迺十陪於古而累聖謚名悉以字多者爲定是廢高祖太宗之令豈曰愛君今制謚非古人皆知之有司因循其事而無敢言者假使當今守之而不改後人議之以爲非然所失豈不大哉何者臣子之於君父莫不欲廣其美稱先王制禮不敢過也故至敬無文至文尚質質之數極於一堯舜之美足次彰矣文之數極於二孝文孝景之德亦已明

矣質則近古文則迄今比高祖太宗所次更用其法後
王所宜守之法也非天下之至聖其孰能定之此天皇
所以興聖主而正鴻名太宗所以待孝孫而脩廢典微
臣所以守經義而崇聖朝陛下宜奉天心繼先太宗之
志使子孫蒙其法而萬代守之此天下之能事也臣愚
以爲高祖以下累聖謚號悉宜取初謚爲定謹按舊制
宜上高祖爲武皇帝太宗爲文皇帝高宗爲天皇大帝
中宗爲孝和皇帝睿宗爲聖真皇帝其二聖謚名字數
太廣有逾古制臣愚請擇其美稱而正之謹按謚法秉
德不回曰孝照臨四方曰明宜上玄宗爲孝明皇帝又

按謚法聖善周聞曰宣宜上肅宗爲孝宣皇帝仍准漢
魏及國朝故事於尚書省議定奏御夫文弊則救之以
質至敬也名惑而反之於正至明也視作之而孫述之
至孝也三者備矣然後能立天下之大本正天下之大
名建天下之大業能事畢矣伏惟皇帝陛下詳擇

奏元皇帝桃遷狀

王制天子七廟三昭三穆與太祖之廟而七又禮器云
有以多爲貴者天子七廟又伊尹曰七世之廟可以觀
德此經典之明證也七廟之外則曰去桃爲壇去壇爲
壇故歷代儒者制迭毀之禮皆親盡宜毀伏以太宗文

皇帝七代之祖高祖神堯皇帝國朝首祚萬乘所承太祖景皇帝受命于天始封于唐元本皆在不毀之典代祖元皇帝地祇開統親在七廟之外代宗皇帝升祔有曰元皇帝神主禮合祧遷或議者以祖宗之名難於迭毀昔漢朝廷近古不敢以私滅公故前漢十二帝爲祖宗者四而已至後漢漸違經意子孫以推美爲先自光武以下皆有廟號則祖宗之名莫不建也安帝以讒害大臣廢太子及崩無上宗之奏後自建武以來無毀者因以陵號稱宗至桓帝失德尚有宗號故初平中左中郎蔡邕以和帝以下功德無殊而有過差不應爲宗及

餘非宗者追尊二代皆奏毀之是知祖有功宗有德存至公之議非其人不可居蓋三代立禮之本也自東漢已來則此道喪矣魏明帝自稱烈祖論者以爲違自稱祖宗故近代此名悉爲廟號未有子孫踐祚而不祖宗先王者以此明之則不得獨據兩字而爲不祧遷之證假令傳祚百代豈可上存百代以爲孝乎請依三昭三穆之義永爲通典寶應二年升祔玄宗肅宗則獻祖懿祖已從迭毀伏以代宗睿文孝皇帝卒哭而祔則合上遷一室元皇帝代數已遠其神主準禮祧而掃祫之時然後響祀

奏百官論事疏

御史中丞李進等傳宰相語稱奉進止緣諸司官奏事頗多朕不憚省覽但所奏多挾私讒毀自今論事者諸司官皆須先白長官長官白宰相宰相定可否則奏聞者臣自聞此語以來朝野囂然人心亦多衰退何則諸司長官皆達官也言皆專達於天子也即官御史陛下腹心耳目之臣也故其出使天下事無巨細得失皆令訪察迴日奏聞所以明四目達四聰也今陛下欲自屏耳目使不聰明則天下何述焉詩云營營青蠅止于棘讒言罔極文亂四國以其能變白為黑變黑為白也

詩人深惡之故曰取彼讒人投畀豺虎豺虎不受投畀有北則復之伯明楚之無極漢之江充皆讒人也孰不惡之陛下惡之深得君人之體矣陛下何不深迴聽察其言虛誣者則讒人也因誅誣之其言不虛者則正人也因獎勵之陛下捨此不為使眾人皆謂陛下不能明察倦於聽覽以此為辭拒其諫諍巨竊為陛下痛惜之臣聞太宗勤於聽覽庶政以理故著司門式云其有無門籍人有急奏者皆令監門司與仗家引對不許關礙所以防壅蔽也并置立仗馬二疋須有乘騎便往所以平治天下正用此道也天寶已後李林甫威權日盛君

臣不先諮宰相輒奏事者仍託以他故中傷之不敢明約百官令先白宰相又閣官袁思藝日宣詔至中書玄宗動靜必告林甫先意奏請玄宗驚喜若神以此權柄恩寵日甚道路以日上意不下宣下情不上達所以漸致潼關之禍皆權臣誤主不遵太宗之法故也陵夷至于今日天下之弊盡萃于聖躬豈陛下招致之乎蓋其所從來者漸矣自艱難之初百姓尚未彫弊太平之理立可便致屬李輔國用權宰相專政迺相姑息莫肯直言大開三司不安反側逆賊散落將士北走黨項合集土賊至今爲患僞將更相驚恐因思明危懼扇動却反

又今相州敗散東都陷沒先帝由此憂勤至於損壽臣每思之痛切心骨今天下兵戈未戢瘡痍未平陛下豈得不日間謹言以廣視聽而欲頓隔忠謹之路乎臣竊聞陛下在陝州時奏事者不限貴賤務廣聞見乃堯舜之事也凡百臣庶以爲太宗之理可翹足而待也臣又聞君子難進易退由此言之朝廷開不諱之路猶恐不言况懷馱怠令宰相宣進止使御史臺作條目不令直進從此人人不敢奏事則陛下聞見只在三數人耳天下之士方鉗口結舌陛下後見無人奏事必謂朝廷無事可論豈知懼不敢進卽林甫國忠復起矣凡百臣庶

以為危殆之期又翹足而至也如今日之事曠古未有
雖李林甫楊國忠猶不敢公然如此今陛下不早覺悟
漸成孤立後縱悔之無及矣臣實知忤大臣者罪在不
測不忍孤負陛下無任懇迫之至

遷獻懿二祖及禘祫議

見唐文粹與廟享議意同而詳簡故並存之

今議者有三一謂獻祖親遠而遷不當祫宜藏主西室
二謂二祖宜祫食與太祖並昭穆缺東向位三謂引二
祖祫禘即太祖永不得全其始宜以一主祫德明廟雖
然與人神未厭也景帝既受始封矣百代不遷矣而又
配天尊無與上至禘祫時暫屈昭穆以申孝尊先實明

神之意所以教天下之孝也况晉蔡謨等有成議不為
無據請大祫享奉獻主東向懿主居昭景主居穆重本
尚順為萬代法夫祫合也有如別享德明是乃分食非
合食也時議者舉然於是還獻懿祖主祫於廟如真卿
議

廟享子議

議者或云獻祖懿祖親遠廟遷不當祫享宜永闕於西
夾室又議者云二祖宜同祫享與太祖並列昭穆而空
太祖東向之位又議者云二祖若祫同享即太祖之位
永不得正宜奉遷二祖神主祫藏於德明皇帝廟臣伏

以三議俱未爲允且禮經殘缺旣無明據儒者能比方
義類斟酌其中則可舉而行之蓋叶於正也伏以太祖
景皇帝以受命始封之功處百代不遷之廟配天崇享
是極尊嚴且至禘祫之時暫居昭穆之位屈已伸孝敬
奉祖宗緣齒族之禮廣尊天之道此實太祖明神承承
之本意亦所以化被天下率順孝悌也請依晉蔡謨等
議至五年十月禘享之日奉獻祖神主居東面之位懿
祖太祖裊諸祖宗遵左昭右穆之列此者以彰國家重
本尚順之明義足爲萬代不易之令典也又議者請奉
遷二祖神主於德明皇帝廟行禘祭之禮夫禘合也故
固不可行

朝會有故去樂議

周禮大司樂職云諸侯薨令去樂大臣死令弛懸鄭注
云去謂藏之弛謂釋下也是知衰輕者則釋衰重者則
藏又按庾蔚之禮論云晉元后秋崩武帝咸寧元年享
萬國不設樂永嘉元年冬惠帝三年喪制未終司徒左
長史江亮議二年正會不宜作樂又章皇后哀限未終
后主已入廟博士徐乾議曰周景王有后嫡子之喪旣

葬除服叔向猶議其晏今不宜懸宋書禮制云晉武帝
已來國有大喪廢樂三年又按江都集禮說晉博士孔
恢朝廷過密懸而不作恢以為宜都去懸設樂為作不
作則不宜懸孟獻子禫懸而不樂自是應作耳故夫子
曰獻子加於人一等矣非謂不應作而猶懸也國喪尚
近謂金石不可陳於庭又徐廣晉史曰聞樂不怡故申
情於過密諒闇奪服慮政事之荒廢是故兼權通以變
常量輕重以降差臣以周禮去樂之文宋史終喪之證
徐廣之論寧戚孔恢之說禫懸理既可憑事又故實伏
請三年未畢都不設懸如有齊衰喪及過大臣薨歿則

量輕重懸而不作

曾公文集卷之一終

魯公文集卷之二

二十五代孫胤祚重刊

表

附批答

白皇帝卽位賀上皇表

臣某言六月二十七日伏承賊陷潼關駕幸蜀郡李光弼郭子儀等正圍博陵郡收兵入土門王師旣還百姓震恐憂惶危懼若無所歸臣不勝悲憤之深遂遣脚力人張雲子問道上表猶恐不達又差招討判官信都郡武邑縣主簿李銑相繼行銑及雲子前後竝到靈武郡奉皇帝七月十二日勅伏承陛下命皇太子踐祚改元

皇帝上陛下尊號曰上皇天帝臣及官吏僧道老壽百姓等蹈舞抃躍具張雲子回皇帝授臣工部尚書兼御史大夫其李銑回又授臣銀青光祿大夫顧以庸微頓叨寵命道路隔絕辭讓無由進退失圖伏增惶懼竊以逆賊安祿山孤負聖恩憑凌寓縣禍盈惡稔尚稽天誅今皇帝撫軍蒼生賈勇豐鎬河洛指期可平伏願陛下垂拱頤神以覩廓清之慶臣宦守有限不獲隨例闕庭無任懇款悲戀之至

批荅

允逆亂常侵侮中夏潼關失守京國不安朕因涉

岐梁至於巴蜀遂命皇帝肇登寶曆爰靜妖氛今官軍益振回紇効款卽擬南行共爲翦滅卿忠惟奉國孝則保家懷不二之心秉難奪之操皇帝累申寵命兼次崇班宜有懋於深功且用光於重守乞御書天下放生池碑額表

臣某言臣聞帝王之德莫大於生成臣子之心敢忘於讚述臣去年冬任昇州刺史日屬左驍衛左郎將史元琮中使張庭玉等奉宣恩命於天下州縣臨江帶郭處各置放生池始于洋州興道迄于昇州江寧秦淮太平橋凡八十一所恩沾動植澤及昆蟲發自皇心徧于天

下歷選列辟未之前聞海隅蒼生孰不欣喜臣時不揆
愚昧輒述天下放生池碑銘一章又以俸錢於當州採
石兼力拙自書蓋欲使天下元元知陛下有好生之德
因令微臣獲廣昔賢善頌之義遂絹寫一本附史元琮
奉進兼乞御書題額以光揚不朽緣前書點畫稍細恐
不堪經久臣今謹據石壁窠大書一本隨表奉進庶以
竭臣下悽悽之誠特乞聖恩俯遂前請則天下幸甚豈
惟愚臣昔秦始皇暴虐之君李斯邪諂之臣猶刻金石
垂於後代魏文帝外禪之主鍾繇偏方之佐亦於繁昌
立表頌德况陛下以巍巍功業而無紀述則臣竊耻之

謹昧死以聞伏增戰越云云

批荅

朕以中孚及物亭毒爲心凡在覆載之中畢登仁
壽之域四靈是畜一氣同和江漢爲池魚鱉咸若
御慎徽盛典潤色大猷能以懿文用刊樂石體含
飛動韻合鏗鏘成不朽之立言紀好生之上德唱
而必和自古有之情發于中予嘉乃意所請者依
讓憲部尚書表

臣某言臣聞無功受賞爲善不勸有罪不罰爲惡固辨
陛下剋復之期匪朝伊夕至如賞罰二柄事在必行苟

或不明於何取則臣以愚懦叨守平原屬逆賊安祿山
背叛聖恩擾犯河洛臣堂兄果卿以常山太守首開土
門臣與河北諸郡因之固守人臣本分夫有何功上皇
授臣戶部侍郎兼知招討採訪等使已失人望緣賊未
滅遂不敢辭又令李光弼郭子儀賀蘭進明等與臣計
會同討克逆三數月間河北向定屬潼關失守大駕西
巡光弼等却入土門諸郡危逼陛下御極又錄臣無功
寵以非次常伯亞相一時猥集臣兄允南弟允臧等連
榮臺省一男三姪皆授好官在臣一門叨幸斯極殞身
碎首無以上報臣常使判官鉅鹿郡南和縣丞賈載姪

男永王府典軍廣成及行官鄧昌珍楊神功裴法成等
十餘人將綵物絹帛相繼渡海與劉正臣計會共和三
蕃正臣等剋期南來行已有日屬逆賊史思明尹子奇
等乘其未至悉力急攻諸郡無援相次陷沒皆由臣孱
懦無謀致此顛沛誠合殉命危難死守孤城以爲歸罪
闕庭愈於受擒賦手所以僣倖偷生過河緣劉正臣使
楊神功將牒與臣索兵馬及盤瓶錦張帳令應接奚契
丹等不與其勾當伏恐陛下貽憂又恩勅先起授吳郡
司士鄭毓樂安郡太守令於江淮南兩道度僧道取錢
與臣召募士馬令應接河北臣由此未獲卽赴行在遂

至廣陵丹陽等郡各與採訪使計會竟不得兵馬卽累
奉聖旨計臣入奏行至武當郡又奉恩命除臣憲部尚
書兼令使者送告身與臣捧戴殊私不任惶懼陛下縱
舍弘善貸不忍明刑在臣醜冒至深胡顏自處臣忝爲
大臣繫國休戚損臣益國臣受其益損國益臣臣受其
損若受任失守還朝屢遷示國無刑於臣大損非敢外
飾實披至誠又臣名節雖微任位頗重爲政之體必在
律人恩先逮下罰當從上今罪一人則萬人懼若怙於
寵四海何瞻伏願陛下重貶臣一官以示天憲使天下
知有必行之法則知有必賞之令寵榮過於尚書遠矣

無任懇悃之至

批荅

卿才推翰苑望重朝廷昆弟成名俱效忠節頃蜂
蠆縱毒郡邑多虞卿能審事宜捍禦克盜雖平原
不守而功效殊高自遠歸朝深副朕望允膺曳履
之命無至免冠之請

謝兼御史大夫表

臣某言伏奉今日制書以臣兼御史大夫本官如故恩
榮累及成命曲臨捧戴殊私慙惶靡據中謝臣屢微有
素抗直無聞比守乎原因於兇賊不能死節負義歸朝

斧鉞之誅甘心待命崇高之位不次頻叨孟復之中始
操刑柄數旬之內兼總憲司撫已缺如負乘斯甚將何
以明刑天下振舉朝綱臣聞秦漢之時凡有制詔皆下
丞相御史府人至于今稱爲副相東方朔舉自古賢聖
以次百官乃以孔丘爲御史大夫則知其官何可妄授
况列曹尚書古之常伯如天之有斗豈易其人昨以表
辭非敢矯舉恐煩天聰僂就班候隙請問方擬字讓
不圖榮寵又集微軀聖恩頻繁固令卽止陳請莫遂惶
懼益深又臣竊見近日朝列之內或有身兼數官苟貪
利權多致顛覆害政非一妨賢實多臣嘗忿之其忍心自

冒無任懇迫屏營之至謹諸閣門陳謝以聞倘天聰聽
鼻猶冀少迴恩命停臣一職別授忠賢則雖死猶生期
於畢力臣某云云

批荅

卿德重才博久而益彰深竭忠貞克著名節乃今
再造區婁籍卿以振朝綱曳履之榮危膺其象夫
印之寵無以易卿旣簡朕心不至謙讓所謝知

謝馮翊太守上表

臣某言伏奉某月日恩制除臣馮翊太守以某日至郡
上訖受命祇懼伏增戰越中謝臣自失守平原萬里歸

命耳心斧越用倣敗亡陛下錄纖芥之誠捨丘山之罪
超司秋典再長憲臺宗伯亞相一時猥集在臣叨幸何
以克堪誓當粉骨碎身少酬萬一而力微任重福過災
生涓塵莫効咎愆仍積上負聖明之恩下慙魯衛之士
槃水加劍未塞深光禦魃投荒乃爲殊造陛下識其眉
目矜其要領待本罪猶泰於左馮黜官不離於秩感念
恩德淪于骨髓木石知變况在微臣伏惟陛下察其慙
愚收其後效臣雖萬死實荷所天竊以此郡破亡再陷
克逆生靈塗炭邑室空虛殺傷者雖或蓋藏逃亡者尚
未歸復謹當勵精悉力宣諭皇明旬月之間望有所校

伏惟陛下減省聖慮不以比郡爲憂則臣之愚忠生死
萬足其戶口實數并利害切急者伏望容臣括責續狀
奏聞無任感戀之至

批荅

卿夙負名器列在朝廷委弄印之傳兼曳履之寵
而乃事乖執法情未減私朕念以舊勲遂從寬宥
今左輔之郡凋弊之餘宜加撫存以申來効所謝
知

謝蒲州刺史表

臣某言臣今月十一日伏奉五日恩制除臣便持節蒲

州諸軍事蒲州刺史克本州防禦使臣緣同州先無佐
宜蒲州書魚未到遲迴累日不敢赴上中使張抱誠至
奉宣恩命令臣與將軍趙瓊計會遊奕兵馬昨次十八
日至州上訖祇承寵命伏增感惕中謝臣竊以此州之
地堯舜所都表裏山河古稱天險餘堯未殄防禦是先
况扼秦晉之喉撫幽并之背旣號股肱之郡實資心膂
之賢伏惟光天文武大聖孝感皇帝陛下道冠生人恩
涵墜履方建非常之業不遺易忘之臣特委大邦俾之
集事載荷殊獎無忘寢食但臣愚駑有素知勇缺然將
以鎮遏艱虞導揚德澤拜命之日以榮爲憂唯君知臣
教其不及勤恤人隱動必以聞陛下不以爲煩則臣死
而獲考矣無任感戴屏營之至

批荅

卿簪紱之端名節素重出鎮藩翰克効忠勤况自
同及蒲襟帶相接宣風布化實佇於卿特委股肱
允當勉勵防虞恤隱必應事宜所謝知

謝浙西節度使表

臣某言伏奉六月九日恩制以臣爲昇州刺史克浙西
節度使兼江寧軍使聖德含弘不遺簪履捨其罪戾假
以麾幢咸戴恩榮死生知報中謝臣以爲全吳舊國分

閩重權莫東海以自資整西河而作固九州天險之地
六代帝王之都是次魏文興嗟可從南北之限符堅恬
侈爰喪百萬之師豈不次敗勝是先腹心斯切親賢重
寄鎮遏攸難知在庸微寧堪及此是次拜命之日以榮
為憂制書次今日四日至饒州臣次今日發赴本道取
都統節度觀察使李岷處分訖即赴昇州即當繕備甲
兵撫循將士觀察要害以備不虞假陛下英武之威遵
陛下乎明之理一心戮力上答天慈伏惟陛下察臣愚
忠則死且不朽無任感戴屏營之至

批荅

卿學行有聞謀猷克壯屢經寒歲不改松筠且江
寧古之帝都實為巨防自非宿德其可濫居委卿
忠誠得當連帥宜弘籌略為朕緝緝所謝知

謝戶部侍郎表

臣某言伏奉某月日恩命以臣為戶部侍郎榮寵自天
咸戴交集中謝臣聞地官之任邦教是資侍郎之職非
賢不授况臣資性愚蒙行能無取頻以疎拙獲罪朝廷
五年之間三貶官次先朝皇極猶仿潘條官階勳封盡
蒙黜削待罪三年分從遐棄屬陛下次聰明睿哲嗣聖
登庸恩宥廣覃授臣利州刺史詔書始下總沙旬朔不

遺易忘之臣忽奉待詔之命生死骨肉受賜已深對見
之辰又蒙假以章服小臣懷惠寤寐無寧聖澤頻繁叨
戴斯授循涯省分盈量則多粉骨糜軀固知攸答無任
感戴惶懼之至

批答

卿門傳儒行代挹公才忠義在躬幹蠱從政頃升
八座式昭水鏡之規徃鎮兩河能鳴風雨之晦此
雖因事見貶今則念舊錄功然以地官務殷惟才
是屬固行所舉殊愜朕懷所謝知

謝吏部侍郎表

臣某言伏奉某月日恩制以臣為吏部侍郎又奉某月
日恩制加臣銀青光祿大夫浹辰之間殊澤滂至恭承
寵命戴荷文馳中謝竊以國之所急必有官人銓綜之
司非賢弗授伏揆虛薄祗懼實深常恐上塵則哲之明
下負竊位之責未酬萬一再沐恩私寵命忽臨舊階旋
復叨榮既甚宥過何深佩玉腰金實懼在梁之刺忘軀
并賜携懷粉骨之誠施重力微固知攸措無任以荷戴屏
營之至

批答

卿鬱然詞宗雅有朝望高標勁節歷霜霰而不渝

握鏡懸衡鑒人倫而式叙是用特加命數光乃純
臣復銀青之舊階鳴水蒼之雜珮佇聞密啓以定
九流舉具朝綱命曰惟允所謝知

謝荆南節度使表

臣某言伏奉二十七日恩制除臣江陵尹兼御史大夫
充荆南節度觀察處置使寵命自天戰荷無地中謝竊
次荆南巨鎮江漢上游右控巴蜀左聯吳越南通五嶺
北走上都寇賊雖平襟帶尤切雖叔子仁德元凱智囊
居之猶或病諸過此豈宜濫據祇承睿顧伏深慙惕無
任感戴屏營之至

批荅

卿明邁偉才忠貞壯節夙推公器累踐同行專城
高魏尚之勛會府著山濤之績而七澤文帶三江
要衝式資統尹之方雅屬旌旄之寄人存政舉其
右茲予所謝知

謝贈官表

臣某言伏奉二月十七日恩制臣亡祖故曹王屬曹王
晉王侍讀先臣昭甫特蒙聖恩超贈使持節華州諸軍
事華州刺史天茲錫類泉壤疏榮捧戴殊和闔門感慶
中謝竊以臣亡祖伏膺文儒克篤前烈能讀三墳五典

八索九丘特爲伯父故祕書監先臣師古之所賞愛師古每有注釋未嘗不參預焉又與學士令狐德棻等同侍天皇得備顧問有時無命大闕盛年臣亡父故薛王友先臣惟貞亡伯故濠州刺史先臣元孫等並襁褓苴麻孩提未識養於舅氏殷仲容以至成立臣堂兄故衛尉卿兼御史中丞杲卿卽元孫之子及臣兄弟等幸承貽厥之訓遭遇明聖之朝各以微誠皆蒙殊獎杲卿雖死爲不朽矣臣亦何人屢叨榮祿夙夜祗懼慚戴已深不謂需澤曲霑褒贈俯及特蒙加等之禮實爲非常之恩感戴屏營萬死非報無任戰荷之至謹因中使內謁

者監張抱誠冒死陳謝以聞

批荅

卿之乃祖當爲碩儒旣高倚相之能遂有臧孫之後不墜其業在卿之門式覃追遠之恩傳蒙貽厥之慶加贈方岳次表哀榮所謝知

魯公文集卷之二終



